

天津府志卷之十七

河渠志下

一淀水

淀河永定子牙清河之會流也

餘詳山川志

清河

畿輔通志卽淀池之經流也其派有三百

會同河之三汊口徑臺山而北出紀家淀而東入

勝滂河者此西派也由趙家房徑托蓮泊出郭家

窪會勝滂河者此東派也由下馬頭徑崔家房入

張家嘴過任家莊逕左家莊泊歸石溝河者此南

派也沿大隄而東徑西馬頭堂頭左家莊會石溝

天津府志

卷之十七

河渠下

一

河則其支流也勝滂石溝二河總歸臺頭一河徑

羊糞港而出楊家河楊家河至三汊口計長一百

四十里自永定下流入淀勝滂河淤而東西二派

無下口張家嘴淤而南派無正流唯沿隄一支寬

不過二三丈深不過五六尺何以容西來決潏無

涯之巨浸乎雍正三年自崔家房以東決隄九處

各數十丈文安城郭宛在水中 怡賢親王奉

命查修水利開勝滂河十七里而東西二派下口遂通挖

張家嘴河五里而沿隄一支分流北注又於上流

疏濬中亭河四十餘里自口頭對岸之下河門分

引玉帶河水入臺山河其下流石溝臺頭淤淺之處概行撈挖數載以來清流湍駛隄防晏如霸保文大之間水利乃成按兩淀諸河經由泊港菰蘆叢生芴草密布壅溜停汎易致淤淺淺阻之後舟楫不行復成斷塞雖分隸河道統轄而該管汎員惟知保守隄工至於淀之通塞河之淤暢俱在茫茫積浸之中爲考成所不及誰復過而問之殊不知淀河一塞分消無路西來之水并注隄下一遇積雨瀑漲頃刻尋丈雖有人力將安所施故防隄而不濬河非計也

天津府志

卷之十七

河渠下

二

東淀 清河子牙河之會流也永定河本歸東淀今歸三角淀東淀西亘百六十餘里南北二三十

里至六七十里不等

餘詳山川志

西淀

畿輔通志跨雄新數邑之境既廣且深西

北諸山之水皆滙焉北自雄縣來者曰白溝河拒馬之下流也拒馬發源易州廣平之涑山至房山鐵鎖崖分爲二派一派東入涿州過新城而南挾河琉璃河廣陽鹽溝諸水白玉塘西域寺甘池諸泉皆入之一派南入涑水徑定興而東易州之濡水武水白楊虎眼梁村馬跑諸泉及迺欄河女恩

澗子莊溪諸水皆來會之二派合流爲白溝河入柴伙淀西自安州來者曰依城河曹河徐河一畝雞距方順龍泉諸水之所會也徐水出五迴嶺經滿城至安肅而曹水會焉一畝泉出滿城東南餘小泉以百數雞距紅花名最著流經清苑城南至糧河橋而方順水來會之方順卽曲逆河祁水之下流也五雲石曰二泉流爲放水河五郎河入馬流逕石橋村至糧河橋與一畝泉河會流逕新橋而滿城之龍泉河自南來入之至善馬廟與徐河合流爲依城河入雜淀西北自安肅來者曰雹河源出石獸崗灌河入之由新安之黑龍口歸雜淀新安三面皆水唯城北爲乾土而地處容城下流雨潦南下則大澱淀一帶盡爲隣壑里戶蕭條最稱貧瘠雍正三年 怡賢親王請於三臺村開引雹河逕小王營尚村之北至南河頭入燒車淀南岸築堤建閘以裨節宣隄內大澱淀數百頃皆引流種稻屢獲豐收澤國已成樂土矣南自高陽來者曰豬龍河唐沙滋三水之所會也唐河原名滹水源自山西靈邱縣入唐縣爲唐河橫水自西北來會居民引以溉稻直達下素町畦相望曲陽之

鎮里高門所溉尤多南入定州而白龍泉復來會之王謙王耨等村旁河皆圩岸也沙河來自山西之繁峙入曲陽界合平陽河南流阜平之當城胭脂二河行唐之郜河咸會焉其上流亦名派水經新樂歷定州沿流多資灌溉滋河發源山西之枚回山經靈壽爲慈水七祖寨岔頭大明川壅流可田入行唐之張茂村伏焉至無極南孟社而復出遶縣北旋經深澤之龍泉固沃仁橋疏流成渠皆天然水利也三水頗稱鉅流畢會於祁州之三岔口爲猪龍河逕博野蠡縣高陽而入白洋淀猪龍

河水性湍急奔騰最難捍禦雍正三年決淀口而東潰蠡螂口古堤直衝鄭州驛路十里浸爲巨澤怡賢親王親歷相度疏通猪龍河故道決口始塞驛路復通下流歸淀之處河道紆迴停沙壅溜易致橫決復令河道王紘於出岸村開挖引河十里至孟仲峯出口東岸築三壩以防其軼兩岸截沙嘴以順其流然後安流入淀又於放水口斜築長堤以禦倒漾蠡螂口殘堤數十里亦一例加修以爲重障於是猪龍順軌瀕河田疇比年豐稔但自祁州以下岸土挾沙最易坍塌岸坍則堤無所附

宜於頂溜掃灣建築挑水迎水等壩護岸以固堤
根其下口歸淀之處近有淤沙漲起抵闕河流亦
宜開挖以順水勢

按西淀受七十二清河之水而東淀承之淀河
洩之三岔四岔白洋四角為七十二河之門戶
柴禾茅灣中亭玉帶又為西淀之咽喉淀河又
總承子牙永定及二淀之水而洩之直沽此二
淀之大概也其七十二河之歸淀則滙而為三
西曰長流滿城安肅諸流滙之西北曰白溝易
州涑水諸流滙之西南曰高陽唐縣慶都諸流

天津府志

卷之十七 河渠下

五

滙之今仍別為三支以詳其脉絡焉

長流河所滙諸水

電河畿輔通志在易州南三十里一曰瀑河一曰鮑河即南易也水經注易水出廣昌縣

東南即山東北燕王仙臺其東謂之石虎罡罡

之東麓即泉源所導也其水東流有瑟水南會

渾波同注俗謂之電水經安肅容城下流安州

新安與徐水會為長流河寰宇記易州有三易

其中易出故安閭鄉城谷中即桑欽水經之易

水酈道元所云兼武水之稱者今自易州而歸

於定興之後陽渡史云燕太子丹祖送荆軻於

易水上即酈道元所云易會北濡亂流入涑者

也今亦自易河南入定興與涑水合而源泉白

楊諸泉皆會焉其南易電河是也三易惟南流

自為一派中北二水源亦微弱自定興與涑水

會而其流始大以同出易州曰武

日濡日電互攝通稱總謂之易水

曲水河源在安肅縣西四十里

淘河也宋人以塘泊為邊備往往疏濬以防

澱故沿邊諸水皆曰淘河方

徐河畿輔通志一名順水水經注出廣昌縣東

北運北平縣漢光武追銅馬五幡於北平破之

合明一統志經滿城縣北又東逕清苑城與沈水

折而東達安州境

雷溪源明一統志在易州西南發

方順河即完縣之祁水畿輔通志在完縣為曲

逆河方輿紀要東流至滿城曰方順又東經

天津府志

卷之十七 河渠下

祁水畿輔通志即南濡古曰曲逆河在完縣西

縣西枉渚迴湍率多

魚水畿輔通志在滿城縣西南水經注出

五靈水畿輔通志在完縣西二十里一名五雲

水祁

九流水畿輔通志在完縣西二十里發源伊祁

店頭水畿輔通志在完縣西三

蒲河水經注派入濡畿輔通志蒲水發源縣西北三

十里道務村流縣北又東流至

曲逆故城東南與曲逆水合

蘇水水經注在曲逆縣西南近

護城河

畿輔通志在慶都縣南門外發源城東九里泉至清苑楊城村入方順河

清苑河

畿輔通志在清苑縣南一名沈水源出雞距泉太平寰宇記清苑縣因河為名

水經注北平有沈水東經其城又東南入徐水

畿輔通志流經縣城南繞城為濠有東上東下兩閘啓閉蓄洩天津賈船直抵南城下

奇邨河

畿輔通志在滿城縣東卽一畝泉與雞距泉合流處清苑河上流也以經奇村

故名

一畝泉

畿輔通志保定府西三十里一名尚泉與雞距泉合

雞距泉

畿輔通志府西三十里與一畝泉合

渝河

畿輔通志在滿城縣四十五里發源易州流經縣西北伏流於地幾三十里出為一

畝泉書云水在地中曰渝

天津府志

卷之十七 河渠下

七

冷水溝

畿輔通志在滿城縣東十五里發源賈村東下流漸盛可引以灌溉南流會於

清苑河

曹河

畿輔通志卽曹水在安肅縣南二十五里水經注出朔寧縣曹河澤東南流經北新

城縣故城南又東入於徐水畿輔通志由西釜山經東南至安州合於徐河曰溫義河

依城河

輿圖在安州北卽徐河諸下流入新安長流河

按以上惟雹水曲水淘河自入長流徐水以下

共十七水並入依城又據通志云水經注滌水

東北逕依城北世謂之依城河而方輿紀要云

安州為九河下流九河者徐曹方順清苑滋沙

滌鴉兒與易水合而為九河今攷輿圖唯徐河

城河亦曰瓦濟河又闡河在縣南五里相傳宋楊延昭運糧河

白溝河所匯諸水

巨馬河

水經注出代郡廣昌縣涑山畿輔通志流入紫荆關至房山鐵鎖崖分爲二支

陸隴其畿輔地輿圖記一南流涑水縣入白溝一東流涑州固安縣東南入渾河

子莊溪

畿輔通志在易州西南五十里卽紫荆關水也白紫荆關流涇州南下入

白澗溪

白澗溪

畿輔通志在涑水縣西北水經注涑水逕溪亭左屬白澗溪水有二源合注一

川川石皓然望同積雪故以物色受之其水又東北流謂之石曹水伏流地下溢則通津委注

謂之白澗口

清水河

畿輔通志在涑水縣北于家莊南流至縣南北入巨馬河

八丈溝

畿輔通志在東安縣東北源出縣東平地南入巨馬

紫水

畿輔通志在涑水縣西水經注出聖人城北大亘下東南流左會壘河溪水出東

北西南流注紫石溪水紫石溪水又逕聖人城

東又東南左會擔石水水出擔石礪東南流逕

聖人城東南南流注紫石水又南注於涑水

按紫水又名紫石溪水或名紫泉與新城縣之

紫泉河

不同

壘河

擔石水

詳上

馬村河

畿輔通志在新城縣西北方輿紀要本自巨馬分流由涑水縣東南赤土社經

縣之馬村故名又

東南入於白溝

涑水

畿輔通志在涑州西名勝志源從大同得勝堡入至老班溝一之涑水一之涑州

范水

畿輔通志在涑州西南自涑水縣流入合於巨馬河

自清苑合曹及方順諸水達州界為依城河其
漣沙滋三水合於祁州由博野高陽入猪龍河
其鴉兒河人漣今故道亦淤

長流河 方輿紀要一名長溝河在新安縣西南
五里畿輔通志其上流有二皆自安州
來一日依城河一日電水至縣
界合流曰長流東南入四角河

按通志云長流河源自電水在縣西五里又溫
義河在縣南八里南與長流河合則總名長流
據此則本是電水入新安為長流溫義又合之
耳又按通志有三岔河在新安縣南八里上接
溫義下達四股河四股河在新安縣十五里上

天津府志

卷之十七

河渠下

八

納長流下達四角河據此則溫義先由三岔後
入長流由四股歸四角方輿紀要畧之耳

三岔河 畿輔通志在新安縣南八里上接
溫義下達四股南通猪龍故名

四股河 畿輔通志亦名四股在新安縣東南十
五里上納長流河下達任邱之四角河
保定府志四股河上承溫義中流為一
通王家寨一通察南一通店頭一通四角河相傳元

至正
間鑿

梁頭河 方輿紀要縣南三里明景泰間疏長流
河引流自城西南隅過南門至東門外

三里下流達
於瓦濟河

稠河 畿輔通志在新安縣東一名
試牛河長流河之支流也

雄河 畿輔通志在雄縣南三里自安州易水依
城河分流周環縣城經瓦濟河東下即獲

桃水畿輔通志在涿州西北水經注桃水受涑水入徐城自迺縣東逕涿縣故城下與涑

合水

丹稜泔水畿輔通志在宛平縣西

聖

祖仁皇帝御製文集暢春苑之萬泉莊平地湧泉灑於丹稜泔循泔而西至西勺注為小溪又南為陂者五六至東稚村谿絡繹水入地中伏行至六里河重源濬發合聖水龍泉東注巨馬

易水水經注出西山寬中谷歷武夫關東出兼武水之名輿圖武水各中易在易州南三十里流至定興河陽渡

合巨馬河入白溝

濡水畿輔通志在易州北又名北濡水經注出故安縣西北窮獨山南谷

源泉水方輿紀要在易州西北八里水經注發北溪東西流注濡水

軍士川畿輔通志在易州西一百里原出龍村社下流入易水

天津府志 卷之十七 河渠下

十一

女思谷水畿輔通志在易州西南五十里水經注水出西南女思澗東北流注於易

謂之三會口

渾塘溝水畿輔通志在易州北水經注出迺縣西白馬山南溪中東南流入濡水

檀山水畿輔通志在涑水縣西北水經注濡水東合檀山水經縣西北檀山西南南流

與石泉水合水出石泉固東南隅廣二十許步深二丈

石泉水見前

沙河陸隴其畿輔地輿圖記即迺蘭河在涑水縣西十五里發源本縣平樂山流至定興

為沙河入巨馬河

五里河畿輔通志在易州東五里源出州北至定興縣合易水

白楊水水經注出迺縣之白楊嶺下時人謂之虎眼泉畿輔通志在易州西經州南三

琉璃河

畿輔通志在良鄉縣四十里即聖水也水經注聖水出上谷東方輿紀要大房

山下聖水泉即聖水之上源其委流為琉璃河金史謂之劉李河逕良鄉縣界至霸州入巨馬

河明雷禮琉璃河橋堤記良鄉縣迤西四十里村名劉李其地窪下為積水所豬有河一道志

國朝康熙

稱琉璃即古聖水房山龍峪諸水會合於此熙中自涿州逕新城縣東入紫泉河

紫泉河

畿輔通志在新城縣東北源出縣西北十五里龍堂村至縣十里合琉璃又南

入白溝河

清淀河

畿輔通志在固安縣東南發源西淀東流注聖水曰劉公口

海子淀

畿輔通志在新安縣東三十五里受紫泉斗門兩窪之水舊有小溝疏淀東至

淺狹易淤又黑洋淀在縣東南五十里

胡良河

畿輔通志亦名湖梁河在涿州北十里源出房山縣大安山入州北又東南入

天津府志

卷之十七

三

琉璃河

挾河

畿輔通志在涿州北二十里水經注出良鄉縣西甘泉原東谷東經西鄉縣故城北

又東經良鄉城南又東北注聖水世謂之挾河方輿紀要入涿州界與胡良河合入琉璃河

樂水河

畿輔通志在房山縣南三里即古樂水小經注出縣西北大防山南東南流注

聖水

龍泉河

方輿紀要源出房山縣北大安山下逕良鄉縣西南與琉璃合河濱有金時

盤寧宮故址

杖引泉

方輿紀要在房山縣西南六十里流經涿州入胡良河

琅川淀

畿輔通志在東安縣南七十里白溝諸水下流也東入磨義河

高陽河所匯諸水

唐河畿輔通志卽澆水也水經出代郡薊

俗亦謂之唐水元和郡國志在唐縣西一百五

十步在慶都縣西南四十二里唐縣志唐河舊

在唐縣西南二十里折而東經南十里其後決

而南趨自符城以東潰為沙川十餘里宋史河

渠志景德元年北面都鈐轄閣承翰自嘉山東

引唐河入定州祁州志自定州流入祁州至州

東與沙滋二河合曰三岔口

橫河畿輔通志卽古恒水在唐縣西南七十里

尚書正義出常山曲陽縣畿輔通志龍泉

鎮東逕十八渡與唐河合

長星溝太平寰宇記今名七里溝水經注在上

恒山下廟北又東逕上曲陽故城北又東南流

胡泉水注之又東逕平樂亭北左會長星川東

南逕虞奴城南又東北合澆水定州志南七里

曰嘉河水自嘉山來俗名七里溝由西而南而

天津府志

卷之十七

河渠下

三

東與新河合蓋卽長星故瀆也

洛光水 胡泉水 嘉河水 黑虎泉俱見前

灣里河畿輔通志在唐縣西北四十里源出縣西北蔡莊北山流徑灣里長店至大洋

社注於唐河

龍泉河方輿紀要慶都縣西三里有堅功泉又西一里有西堤泉又縣西南有沈家泉

湧魚泉合為龍泉河匯於唐河

清水河方輿紀要在慶都縣西一里經縣南東二里合於龍泉按通志定州北十里

有清水發源白龍泉流至城北入澆水水經注所謂盧奴城西北平地泉湧而出俗亦謂之唐

河是也又謂東南至唐城西北隅塌而為湖入澆水定州志亦謂州北十里有唐水源自本州

南宋村白龍泉東流合澆水以有清濁之分故名清水與慶都之清水河不同又曲陽縣北五

十里有龍泉河一名漱玉泉入唐縣界注唐河與慶都之龍泉又不同當是兩清水兩龍泉並

注唐河

壩龍河畿輔通志在慶都縣西南五里東北流七里合清水河

黃黑泉名勝志在慶都縣與龍泉水合流遠為城濠隆冬不冰人謂其中有溫泉云

廣利渠畿輔通志在唐縣西南金太和六年開引唐水灌田數千畝又導而東明萬曆

中復建九閘以時蓄洩溉田無算

博水方輿紀要在完縣東南水經注博水出望都縣其流旋伏旋見徑陽城縣散為澤瀘

是為陽城淀下流注於唐河今源流多淤

馬溺水畿輔通志在唐縣西水經注出上曲陽城東北東流注於滏

鴻上水畿輔通志在唐縣西北水經注滏水東流鴻上關於是左納鴻上水水出近溪

天津府志

卷之十七

十四

東流注於滏

派河畿輔通志即沙河也方輿紀要在阜平縣北發源太原府繁峙縣白坡頭口陸隴其

畿輔地圖記自恒山流徑大派小派二山而南流逕阜平曲陽行樂新樂與圖由定州入祁州

三岔口與滏滋二水合新樂縣志河當九省要津日渡不給

陽城淀元和郡國志在望都縣東餘見上

平陽河畿輔通志在阜平縣東六十里發源太茂山南流入派河

班峪河畿輔通志在阜平縣東四十里發源本縣炭火舖流逕縣東入派河

鷄子河畿輔通志源出山西靈邱縣逕縣東入派河

小河畿輔通志在阜平縣東關前發源大派山南流入派河

胭脂河畿輔通志在阜平縣西南五十里發源本縣清竿嶺東流入派河水紅色故名

當城河 畿輔通志在阜平縣西南發源山西五臺縣流至縣南與胭脂河合流入

北流河 畿輔通志在阜平縣龍泉關外發源關西八里印鈔石山下流至縣西北入派

河

郃河 畿輔通志在唐縣南一里源出縣西北兩嶺口山谷間曰潁水南行三十里經其山

之東許由村之南即所謂洗耳溪也又東流曰郃河又東經新樂縣入派河

甘泉河 畿輔通志源出甘泉廟南流入郃河

賈莊河 畿輔通志在唐縣北二十里源出縣西北武強社北山曰曲河東流徑賈莊

河又東入派河

靈河 畿輔通志在曲陽縣西四里源出縣西白土澗東流至三角潭與曲逆溪水合流注

於沙河

天津府志

卷之十七 河渠下

五

曲逆溪 畿輔通志源出曲陽縣西十里視山下其流多曲故名

三角潭 見前

圓覺泉 畿輔通志在曲陽縣西三十里旁有圓覺寺故名下流入沙河

陳家莊泉 畿輔通志在曲陽縣南十五里民資灌溉下流入沙河

滋河 明一統志在正定府北三十里元和郡國志出蔚州靈邱縣西枚回山懸流五丈

激之聲響動山谷水南去正定縣三十里北去行唐縣二十六里行唐縣志其源最多一出阜

平白蛇嶺曰汶河一出山西五臺縣南東流與汶河合一出靈壽縣界北山五岳塞一出王母

山北峪一出王母山南峪俱至靈壽縣西北五河村五河合流東注至滋峪之東南又有西山

之小河入焉故名滋水東返行唐趨正定藁城北抵祁州與沙河合畿輔通志東入藁城縣

北又東過無極縣又東入深澤縣按通志云漢書地理志謂滋水出行唐縣東至新市即

澤經流無幾元和志謂源出靈邱其來頗遠

志又謂自縣而上匯集眾流即

成大川蓋源流變遷今昔異矣

鴉兒河也舊自縣東北達博野縣合於唐河後

東入深州界仍合於滹沱

今滹沱南徙河亦漸淤

蟾河畿輔通志在博野縣東南二十五里滋

龍塘河畿輔通志在博野縣南相傳有龍

楊村河方輿紀要在蠡縣南十里滋河沙河唐

至田渚口入

高陽縣境

泔河畿輔通志在蠡縣東二十里楊

大滂淀畿輔通志在高陽縣東馬

布裏河方輿紀要在蠡縣東二十里楊

在縣東即蠡縣楊村河下流也上承滄滋沙三

水舊自蠡縣東入河間明正德中自蠡縣北決

入縣界瀦為淀又東北入安州界嗣後時有決

溢天啓中決入布裏等村故又云布裏河

通志猪龍為高陽馬家河

之下流則布裏即馬家河

邱家道河畿輔通志在安州東南三十里自黃

猪龍河畿輔通志在新安縣南六十里即高

菱子淀畿輔通志在安州東三十里自

古溝畿輔通志在容城縣北

牙家港畿輔通志在安州西北三

天津府志

卷之十七

河渠下

朱家港見上

柳灘畿輔通志在安州東南三十里白洋淀西堤與浦口趙口陶口連

杜家淀畿輔通志在新安縣南又縣東有鴨圈淀楊家淀王家淀皆與白洋淀通

高河畿輔通志在高陽縣東二十五里蠡縣流入縣界豬龍河今淤

高陽河畿輔通志在雄縣南二十里上流即新安縣之豬龍河入縣界為高陽河白蓮

花淀入四角河

白洋淀畿輔通志在新安縣南二十里任邱縣西北五十里周六十餘里又云南高陽

西安州東任邱北新安四處環之而新安十數村居其中輿圖高陽任邱新安諸水俱匯流於

此下達四角河

按長流白溝高陽皆非任邱水而輿圖以為任

天津府志

卷之十七 河渠下

七

邱諸水者蓋任邱有諸淀及諸河故瀆在也今

詳於後

易水舊瀆畿輔通志在任邱縣西北水經注易水自易縣東逕鄭縣故城北又東至

文安太平寰宇記合滹沱

濡水舊瀆畿輔通志在任邱縣西北春秋杜預注濡水自高陽東北至鄭入易

涖水舊瀆畿輔通志在河間任邱二縣界水經注涖水逕依城北即古葛城也又東

北逕阿縣故城東又東北至長城注於易

邊吳泊畿輔通志在安州西南方輿紀要亦曰邊吳塔又有古堤在州城北東邊吳村而下接

雄縣南自板橋而下接蠡縣皆以防九河之決

廢溢今

鏡河畿輔通志在任邱縣南舊時茲沙溢於肅寧縣境為中堡河又束為玉帶

北至縣南三里會蓮花泊按方輿紀要流經縣南八里

寧縣中堡河在縣東北三十里保定府蠡縣以

東高陽以南之水溢入縣境為中堡河又東分

流為玉帶河任邱縣鏡河上源即肅寧之玉帶

河也其說如此但玉帶即在中堡之東則似非

中堡之上源又通志云保定河間二府舊志滋

沙寇之水舊至蠡縣引流而東歷肅寧之五千

淀而達於雄縣之五濟河中堡玉帶二河皆其

經流處也後自蠡縣北入高陽歷新安雄縣而

出任邱之趙北口於是故道多湮而玉帶之名亦移於順天府之保定縣矣

蓮花泊畿輔通志在任邱縣南三里餘見前

蓮花淀畿輔通志在雄縣西南十里新安高陽諸水所匯也

燒車淀見下

天津府志

卷之十七 河渠下

六

蘆草灣見下

雜淀畿輔通志在新安縣西五里為雹河蘆草灣乃九河外水更猛於此

此則四散瀰漫也

四角河畿輔通志在任邱縣西北五十七里其南接高陽河即沙滋寇三水下流也

保定府之祁州博野蠡縣高陽新安至雄縣由蓮花淀而入其西接長流河即徐雹諸水下流

也自保定之安州新安由四及河而入其北接白溝二支流自保定府之容城縣分岔歷雄縣

新安由燒車淀而入三河合流而東過趙北口由柴禾淀入順天府保定縣界為玉帶河

趙北口畿輔通志居西淀之中舊有石橋八座之咽喉也而石橋卑隘水不能暢流雍正三年

怡賢親王奏請易之以木升高加闊又增三橋俾積淀之水暢然東注但白溝濁水自下

出河門而橫截清流至藥土行宮

拗折土人謂之驚頸所謂咽喉已通而胸膈未利也雍正四年委員挑挖經汛而其淤如故蓋白溝漲時近諸山而下推擁泥沙自所至填淤四十里之柴伙淀變為桑田者什三四矣不加浚治則西來諸水泛溢無歸若歲歲撈挖是勞費無已時也渾流如淀其害往往而然欲為一勞永逸之計必不使之入淀而後可查白溝故道行於淀外自龍灣而東逕道務馬務頭洪故出張青口河形宛然宜疏濬深通導白溝之流復於故道壅其入淀之口然後將河門淺阻濬清濁分流淀清而河亦暢矣此則

柴禾淀

畿輔通志在雄縣東南十里白溝長流高陽皆滙於此

溇沱故道

畿輔通志舊傳由饒陽環流河間府城東北達王村口闌天柴禾淀又

或謂此水無源與舊說不同

鐵燈竿故瀆

方輿紀要在河間府西其上流自武強饒陽境滙漳河溇沱諸流又

天津府志

卷之十七 河渠下

九

北接博野蠡縣沙澆諸河下流豬為陂池紆迴散漫徑府境而北通靜海直沽以達海其支流繞郡城每遇夏秋水發一望無際

洋東淀

畿輔通志俱在肅寧縣東南三十里舊時鐵燈竿諸水散

流所滙今湮

五官淀

畿輔通志舊名武滄淀在任邱縣東北三十五里接雄縣界舊時鐵燈竿之水

由此而東入柴禾淀今湮又三

茅兒灣

畿輔通志在雄縣東四十里上接柴禾淀下通保定縣玉帶河為諸水經流要

口

玉帶河

畿輔通志在保定縣北其源有二一西

長桑乾烏流白澗白溝曰北九河一西南自任邱縣來有黑洋一畝方順唐河沙河滋河自南

河俱滙於雄縣之茅兒灣流入縣界為玉帶

河按任邱蓋舊時水道今則由新安高陽矣

會同河畿輔通志在霸州南玉帶河東由地干

又東為苑家口又東為蘇家橋自此而下滙為

淀泊水發則漫無涯涘水退則蘆葦盈望而其

流大概分為三道一東北滄人信安鎮為信安

河一東南流通鹽運河流淺易涸一東流為正

派不及三十里為王家莊在河南岸又東北可

十二里與信安鎮之支流會又東可二十餘里得

新開河口即子牙分派也又東可二十餘里為

褚河港又分二支一東流為長子河一東北曲

折可八里為東河港又東可十餘里為王慶坨

與長子河合而子牙河之自王家口分派者亦

來會焉自王慶坨又東迤

南行二十里為三角淀

中亭河畿輔通志在霸州東南舊自雄縣之吳

家臺流逕保定縣北入玉帶河水發則

通舟水退則涸雍正四年疏浚深廣自保定縣

北引流至州東臺山村而入會同河復開支河

天津府志

卷之十七

河渠下

三

以廣灌溉明霸州道王鳳靈治北河議云霸當

京邑之陽川原漫衍羣水赴焉口外諸山之水

自京西蘆溝橋而下經固安永清滙於三角淀

此霸州以南之水也宣府紫荆白溝諸水自新

城而下會於茅兒灣經保定玉帶河達於苑家

口至於信安直沽入於海易安苑肅唐蠡九河

之水自雄南下東過茅兒灣入苑家口山西五

臺之水自河間而下經任邱滙於五淀亦入苑

家口此霸州以北之水也南北二川水至則瀾

漫浩淼文安大城積為巨浸治之法不以壅

而以導不先於決口而先於下流直沽之上有

大淀有小淀有三角淀廣延六七十里深止四

五尺若因而增益之又為之堤以停蓄眾水而

委輸於海水固有所受也然後浚治舊川為長

堤以束之高廣倍於前使水有所行又多開支

河聯絡相屬使水有所分見在窪淀不下數十

處又各深而堤之使水有所積則雖淫潦可以

無患

國朝康熙三十八年
祖仁皇帝命河臣王新命開挑上接十望河下入臺

河分減玉帶河水勢發帑築隄上下各六工上
六工距河稍遠以護州治下六工縷河為隄以
護田廬增設州判一員管理每歲按理出夫隨
時修補後渾河淤勝流下遂塞而十望河白
張青口來者為白溝流沙墊於上流亦斷自是
隄工殘廢而下六工無復遺址與淀相連雍正
三年工竣十望河以積水未開五年大水難以
亭河工遂罷十望之役自口頭對岸之下河門排
引河一道分玉帶河水而注之中亭河增設吏
目一員分汛防修七年州判陳起

唐捐貲修築下六工隄長四十里
鹽溝河畿輔通志在良鄉縣南源出宛平縣龍

正五代史唐長興二年趙德鈞鎮盧龍城閭溝
而戍之移良鄉治焉長安客話良鄉亦稱鹽川

鹽溝故也因境內有
廣陽河畿輔通志在良鄉縣東源出房山縣三

天津府志

卷之十七

河渠下

三

又西南由中亭
河入會同河

龍泉畿輔通志在良鄉縣西北

牯牛河畿輔通志在良鄉縣東南鹽溝廣陽二

東南經縣東南陶村即古福祿水也水經注聖

水又東廣陽水注之出小廣陽西山東南流

陽故城北又東福祿水注焉出西山東南流

逕廣陽南入廣陽水按鹽溝廣陽二水至

良鄉縣城東南合流為三義口南流至任村西

南入大清河一遇伏秋山水漲發奔騰衝突故
土人謂之牯牛河良涿固霸之間累被其害雍

正四年怡賢親王奏請於任郵之南開挑新
河東南逕涿州界東逕固安縣西北循蘆溝河
故道南徑霸州之南孟等郵東南抵西栲栳圈
入中亭河長二百餘里自是奔突患
息野潦有歸四州縣秋禾皆獲豐稔
通濟河畿輔通志在霸州東由苑家口逆流達

栲栳圈徑關王堂山川壇轉折而北入

護城河每秋霖河泛舟楫直抵城下民以為便
陸隴其幾輔地圖記云桑乾河徑沿河口流至
宛平縣蘆溝橋固安縣境分一支入新城縣東
轉流入霸州一支順流又分岔復合流入霸州
達城東南各曰通濟河流入玉帶河
按此則通濟河蓋會苑口桑乾二河
王慶坨河畿輔通志在武清縣南八十五里即
東安呂公河上由霸州渾河經磨汊
港東流入洵河泊又東入武清縣
分爲二俱徑王慶坨鎮入三角淀
桃河泊畿輔通志在東安縣南五十里
渾河水所匯也流入三角淀
高橋窪畿輔通志在新城縣南二十里高橋河
故道也水集爲患相近有泗莊東西窪
與高橋相連

浴丹泉

畿輔通志在唐縣葛洪山後相傳葛洪浴丹處

曲家泉

畿輔通志在慶都縣西半里東流直入隍中

天津府志

卷之十七 河渠下

三

啞溝

畿輔通志在完縣西北由唐縣孤山流逕縣界又東北入完縣界今湮

藍溝

畿輔通志在定興縣東南四十里相傳范陽有五溝青白藍紅黃此卽藍溝也青溝

在青苑縣東

唐池

水經注唐縣西有一水導源盧奴縣之西北泉湧而出東流至唐縣西北隅塌而爲

湖俗謂之唐池蓮荷被水勝遊多萃其上

龍池

畿輔通志在完縣北四十里水可灌溉

馬務淀

畿輔通志亦名馬草淀在雄縣東三十里又蒼耳淀綠鬚淀亦在雄縣境又縣

北有臺河淀襄子淀接新城界

延福淀

畿輔通志在高陽縣西南十里接蠡縣界又縣北有馬棚淀宋馬棚故地也

通利渠

畿輔通志在任邱縣堤南五里亦名魚君陂唐開元四年縣令魚思賢開以洩

淀水

五龍潭

畿輔通志在任邱縣北十里又白龍潭在縣西十八里

掘鯉淀

畿輔通志在任邱縣北寰宇記云在鄭縣北二十里俗名掘柳淀又縣西北有

狐狸淀

高橋淀

畿輔通志在霸州東南七十四里一名大浪淀周圍百里其西為栲栳圈眾流

所聚也東南流為柳汊河入文爾淀淀在州東七十三里舊名堂二淀東分二流形如八字又有迴淀東西二十七里南北八里

按高橋窪以下諸水雖未明源流所在而俱與淀近亦蓄洩所資故附載之

一永定河

詳山川志

天津府志

卷之十七 河渠下

三

畿輔通志

一曰蘆溝河亦曰渾河亦曰桑乾河永

定之名

聖祖仁皇帝所定也明外史河渠志桑乾河穿西山入苑

平界東南至看丹口分爲二其一東由通州高麗

莊入白河其一南流霸州各易水至天津丁字沽

入漕河是河過懷來東兩山間不得肆至都城西

四十里石景山之東地平土疏衝激震蕩遷徙弗

常元史明曰小黃河以其流濁也金史河渠志大

定二十七年宰臣以孟家山金口閘視都城高一

百四十餘尺倘遇暴漲其害匪細若固塞之則所

灌稻田俱爲陸地種植禾麥亦非曠土上是其言
遣使塞之二十九年以涉者病河流湍急詔命造
舟旣而更命建石橋明昌三年三月成勅命名曰
曰廣利卽今之盧溝橋也元史郭守敬傳至元二
年授都水少監言金時自燕京之西麻峪村分盧
溝一支東流穿西山而出是爲金口其水自金口
以東燕京以北灌田若干頃其利不可勝計今若
按視故蹟使水得流通上可以致西山之利下可
以廣京師之漕又言當於金口西預開減水河西
南還大河令其深廣以防漲水突入之患帝善之

天津府志

卷之十七

河渠下

五

明宣宗實錄戶部侍郎王佐言通州至河西務河
道淺漕船動以千計兼四方商旅舟楫往來無港
汜可泊張家灣西舊有渾河若加疏濬近京一二
十里更使充廣瀦爲巨浸令可泊船公私兩便上
命都督馮斌等審視七年冬斌等以圖進上以其
役重大姑止固安縣志桑乾河自蘆溝下流入縣
境明嘉靖初徙縣北十餘里東流至縣東紀家莊
北分爲二萬 中又徙縣西十餘里東南流逕黃
堡之北而東南入霸州界尋又徙縣城南後復徙

北

國朝順治十一年由縣西宮村與清水合流而南入新城界永清縣志明萬曆三年撫臣王一鶚修築河隄延袤五十餘里障水東流三十三年復抵縣界直逼城垣

國朝順治八年徙固安迤西幾七十里與白溝河合流霸州志明正德初在州南門外嘉靖中徙州城北後徙固安北十里舖其支流則自半壁店李家口繞州東北境達信安

國朝順治中每決於固安之巨羅堡由州治西北東入清河後更決於新城之九花臺南里諸口州城

天津府志 卷之十七 河渠下 五

之西南竟成巨河矣康熙戊辰仍從善來營入玉帶河俗謂之霸州河畿輔通志蘆溝亦曰黑水河水色最濁其急如箭東決則西淤倏忽遷改前人謂之無定河自元歷明冲齧奔潰屢修屢決迄無寧歲康熙三十七年三月我

聖祖仁皇帝軫念郊圻親臨視閔命撫臣于成龍大築隄堰疏濬兼施自宛平之蘆溝橋至永清之朱家莊匯狼城河注西沽以達於海延袤二百餘里廣十五丈五月二吉成

賜名永定河

勅建河神廟

御製碑文以記之自是湍水軌道橫流以寧三十年來河無遷徙此從古所未有也惟是下流入淀之後水渙泥停積漸闢淤蒙

聖祖諭旨屢下毋令壅礙清流而該管分司衙門唯事修防不加疏導淤而南信安勝芳等淀變爲高原復淤而北策城新張諸泊墊爲平陸駸駸乎及於臺頭與子牙河會壅闕清流幾無達津之路矣雍正三年

上諭怡賢親王令引渾河別由一道入河毋令入淀大哉

天津府志

卷之十七

河渠下

三

王言已攬河道全局而居其要矣蓋淀泊之用有翁受之功亦有停蓄之利衆流競趨滙爲巨澤容與蕩漾有以緩其奔突之勢然後安流弭節而去則其衝易受而其患易禦正定順德廣平之有南北二泊猶順天保定河間之有東西二淀皆天地造設自然之妙納衆流而節宣之不使之一往衝突而不可禦也西淀之水會爲一河分爲三汊而滙於東淀南泊之水注於北泊北泊之水出滏陽之道合滹沱之河亦由子牙一河歸於東淀則東淀一區所以蓄直隸全局之水游衍而節宣之乃永定濁

流闖淤梗噎於其間則上游之汜濫者將安歸乎
怡賢親王欽遵

諭旨於郭家務改河東行復開下流之長洵河引逕三角
淀而注之河頭與清河會周築三角淀圍隄以防
其北軼又以河性善淤奏明逐年挖淺俾河流不
致遷徙籌畫可謂盡善而河官錮習不利於挖淺
而利於築隄改河之後隄日增高而河亦與之俱
長長洵河淤塞絕流三角淀所餘無幾於是散漫
南行頭道河二道河皆成斷港剩有楊家一河若
經汛之後再淤而南則清水無路歸津側注於楊

天津府志

卷之十七

河渠下

七

柳青一帶而濁流復從而迸注之其不至穿運而
過者幾希此目前之大患全局之深病也爲今之
計唯疏挖長洵導之東注河頭南岸接築長隄至
楊家河而止雖不能必其不再淤而旋淤旋挖亦
可暫爲補救矣按永定濁泥善肥苗稼凡所淤處
變瘠爲沃其收數倍涇水之富關中漳水之富鄴
下不是過也河所經由兩岸窪鹹之地甚多若相
其高下開濬長渠如懷來保安石徑山引灌之法
分道澆溉則斥鹵變爲肥饒而分水之道旣多則
奔騰之勢自減從高而下自近而遠一河之潤可

及十餘州縣此亦轉害為利之一奇也唯在任事者不避勞怨持議者不惑浮言則鄭國史起之功當復見於今日矣

永定河所匯諸水

東洋河

畿輔通志源出邊外自山西天鎮衛東逕懷安縣柴溝堡西北合西洋又東至

堡東合南洋方輿紀要云南洋河至堡東七里合東洋河如燕尾然又東逕萬全縣南舊左衛

北又東合北來之清水河又東南經宣化府城南至保安州

泥河

畿輔通志在宣化縣東十五里自關子口西南流四十里合東洋河即古黑川水也

水經注黑川水有三源出黑土城西北奇源合注總為一川東南流逕大甯縣西南入延河

據此則於延水又為延河

天津府志

卷之十七

河渠下

天

清水河

畿輔通志在宣化縣西源出邊外自張家口流入南逕萬全縣東又南至縣界

入洋河即古寧川水也按通志縣西二里有

一河自葛峪堡西流入合小泉水入洋河亦曰清水河此別是一水非寧川

玉液泉

畿輔通志在延慶州城南西流於清水河

水溝口河

畿輔通志在懷安縣北自山西天鎮縣流入經縣南三十里折北流至縣

西北合柳河水又北逕城北至萬全衛界入洋河即古托臺谷水也按水經注托臺谷水上

承神泉於鞏壁北東逕陽門山南托臺谷謂之托臺水東逕三會城南又東逕托臺亭北又東

北逕馬頭亭北注鴈門水志以為入洋河者蓋合鴈門入洋河也

柳河

畿輔通志在懷安縣七里東流入水溝河

西海

畿輔通志在懷安縣東北萬全左衛城西水環三十里流入洋河

媯河 方輿紀要在永寧縣西十五里源出緡陽山入延慶界俗名清水河 緡輔通志注延

慶州南半里懷來縣南一里又西南流五十五里入桑乾河本古清彝水今訛曰媯河水經注

青彝水出長亭南西逕北城村故城北又西北平鄉川水注之又西北逕陰莫亭又西會牧牛

山諸泉注滄河又西靈亭城水注之又西得泉溝水又西南得桓公泉又西逕沮陽縣故城西

北又屈逕其城西南流注於濕水

沙城暖泉 緡輔通志在萬全縣西南去柴溝堡東北八里平地湧出冬溫夏涼南流

金波泉 緡輔通志在蔚縣東二十里古代王城內有二泉合流南北入金河

龍王河 緡輔通志在順聖東城一里南流入桑乾河

壺水河 水經注一曰祈彝水山西通志又曰壺流河緡輔通志在蔚縣自蔚州流入水

天津府志 卷之十七 河渠下 完

經注出平舒縣北逕桑乾故城東而北流注於濕水 緡輔通志蔚縣東北流百里至西寧縣東

城界小渡口入桑乾河山西通志在廣寧縣南源出河泉其形如壺

金河 緡輔通志在蔚縣東八十里源出小五臺山西流入壺水河其水映石如金故名

西沙河 緡輔通志在西寧縣東順聖東城西一里南流入桑乾河

溪河 緡輔通志在延慶州南源出團山西南流經永寧城西流入州界合媯河即古滄河

也水經注魏氏土地記云沮陽城東八里有牧牛山下有九十九泉即滄河之上流也積以

成川西南流谷水與浮圖溝水注之又西南合地裂溝有小水俗謂之分界水南流入滄河又

西逕居庸縣故城南有粟水入焉又西與右陽溝水合又左得清溪水石

大柳河 緡輔通志在延慶州西南二十里原出懷來縣養鴛池南入媯河

黑龍河 緡輔通志在延慶州西三十里源出黑龍廟南入媯河

阪橋河畿輔通志在延慶州北十里源出阪泉

甯縣東流西南流入媽河水經注有陽溝水出居

逕大翻山小翻山又南注滄河

溫泉河畿輔通志在延慶州西北三十里源出

右出溫湯療治萬病泉所發處俗謂之土亭山

其水東南流左會湯泉水亂流注滄河當又是

水一

粟水水經注出居庸縣南下城西枕水又屈逕

源出州北十里屈家堡西南流經城西又屈經

城南門外南入媽河此即水經注之粟水今俗

呼為沽河也

非沽河也

馬蘭溪畿輔通志在延慶州西水經注靈亭城

水所鍾已成溝瀆水又左與馬蘭溪水會水

導馬蘭城北負山勢因河成溪南流出城東南

入澤水澤水又南逕靈亭北

又屈逕靈亭東又南注清夷

桓公泉畿輔通志在懷來縣南水經注

涿水畿輔通志在保安州東南即隋志懷戎涿

北流逕涿鹿縣故城南又東北與阪泉合又

東逕平原郡南又東北逕祚亭北入濕水

二郎溝畿輔通志在保安州東南八十里

協陽關水畿輔通志在保安州西南水經注出

故城左會潘泉故

瀆又東北注濕水

潘泉畿輔通志在保安州西南古潘縣地即古

中其泉縱橫十數步

東出注協陽關水

天津府志

卷之十七

河渠下

聖縣治延表二百里

溫泉

水經注橋山下有溫泉石池吐出能治百病北流入濕水按通志載西寧縣東順

聖東城東及保安州東俱有溫泉遼地理志奉聖州溫泉冬可浴

柳園泉

畿輔通志在西寧縣西三里源出城西北南流東逕城南又東南入桑乾河

百泉溪

畿輔通志在順天府西南十里麗澤關平地有泉十餘穴滙為溪東南流為柳

蘆溝

阪泉

畿輔通志在保安西水經注道源涿鹿縣之東泉魏土地記涿鹿縣東一里有阪泉

東北流與蚩尤泉會水出蚩尤城淵而不流霖雨併則流注阪泉亂流入涿水括地志今名黃

帝泉保安州志礮山堡西南十里有七旗里泉東北流合黑龍池在暨西水頭寺津暨暨南及

龍王堂池醜醜三醜諸水又東環堡城又東入縉山河即阪泉也

天津府志

卷之十七

河渠下

三

按宣化諸水入桑乾河者有東洋河有媯河有

協陽河水有壺流河其西洋南洋泥河清水西

海子沙城暖泉六河皆入東洋柳河又合水溝

口河注南洋又玉液泉注清水俱入東洋東洋

一河凡滙八水其溪河大柳黑龍溫泉馬蘭桓

公六河皆注媯河阪泉粟水二河又注溪河媯

水一河凡滙八水阪泉合黑龍池水頭寺津龍

王池三河入涿涿水一河凡滙四水金河合金

波泉入壺流壺河一河凡滙二水協陽河又合

潘泉一河其獨行入濕者又有西沙河龍王河

二郎濕泉柳園泉五水又順聖為桑乾支派則
宣化諸水之入桑乾者凡三十有四又合巨馬

支流凡三十五河畿輔地與圖記巨馬河至房

自溝一東流涿州由山分二支一南流涑水縣入

固安縣東南入渾河外此則有龍池在保安州

里可韭菜川在赤城縣西北開平衛城

既田龍門縣西牛心川懷安縣東南萬全

赤城柳河川龍門縣西一名都溝

縣北柳河川龍門縣西一名都溝

里神仙溪延慶州城鴛鴦泊赤城縣北又宣鎮

北一百里縱橫八紅草溝萬全縣西孫才溝洗

十里西南玉石溝懷來縣保安衛東北二苞香溝

西寧縣西南九龍池府城東九十里餘里九

里出藁本諸香九龍池窟湧出南流入延慶九

天津府志

卷之十七

河渠下

三

女池府城南深井堡修水池龍門縣西趙川堡

蓮花池一在懷來縣西五十里相傳蕭太后種

十步一名東湖一在延養鶯池懷來縣東南玉

慶州四海冶堡南產魚養鶯池二十里南

靈池在西寧縣東城南大海沱潭龍門縣鵬鶚

大海沱峯峪間有泉龍潭一在龍門縣西趙州

下滙為潭禱雨輟應龍潭堡東北十三里一在

懷來縣西白龍潭延慶州東永寧城東惠莊泉

北四縣東龍涼水泉龍門所東神泉赤城縣西

赤城縣東龍涼水泉龍門所東神泉赤城縣西

北三里轉流成獨石泉赤城縣北獨石城龍泉

池萬全縣東南德勝大水泉萬全縣西北勝正

南泉新開堡南清水泉堡西南鷹窩泉龍門縣

安堡西北三里引流入娘子山泉龍門縣西娘子山

堡灑三泉西寧縣東塔兒泉懷來縣東南有古塔

冷泉懷來縣東北萬全白馬泉延慶州城北

暖湯赤城縣北雲州堡寶濟鍬底湯龍門縣趙

八里明一統志謂在宣府鎮東湯泉河赤城縣

六十里冬夏水溫浴之愈疾

西山東流至城西南合水泉河又東合東河明

一統志赤城湯在宣府鎮城東百四十里自龍

門鎮北鄉赤城寺側山根湧出傍水泉河出赤

有冷泉浴之愈疾即此湯泉河

西北二堡子諸水雖不通各河而旱潦亦可資

南入湯泉

為蓄洩故講水利者必詳之

海河

畿輔通志南北運淀河之會流也自天津

東北三岔口迄大沽口長一百二十里涇廣崖深

奔流湍駛潮汐逆之則逆行而上禹貢所謂逆河

是也每伏秋之交二運并漲淀水爭趨駢注於三

岔一口而強潮低悟洄漩不下倒漾橫流上游隄

岸田廬皆成巨浸所謂尾閘不暢胸腹俱病者也

故欲治直隸之水者莫如擴達海之口而欲擴達

海之口者莫如減入口之水雍正三年

天津府志

卷之十七 河渠下

上命怡賢親王興修水利

親授方畧於南北運河各建壩開河減水分流別途歸海
豈僅為運河計哉入口之水減則達海之口寬而

北來之永定河南來之子牙河中間七十二清河
乃得縹然入三岔口而東注矣

三角淀 天津衛志三角淀在武清縣南周二百
里或云卽古雍奴水方輿紀要其源曰范甕口王
家淀掘河越深河劉道口魚兒口河皆聚於此東
會於直沽入於海一名筇溝水

按天津縣冊縣西北四十里至安光村村臨三
角淀則淀屬津武二邑分界又上游鳳河一水
獨注淀中攷鳳河之源在 南苑中流出其流
甚細東南流至武清之堠上村河身深廣以下

天津府志

卷之十七

河渠下

蓄

填淤斷續一遇伏秋雨潦散漫無歸雍正四年
怡賢親王奉

命查修水利欲加疏濬而來源微細不足以爲恒流查有

凉水河一道發源水頭莊貫 南苑出弘仁橋

東流至高各莊東北流抵張灣入運乃奏請於

高各莊分流南引至堠上入鳳河故道一路

挖過雙口抵青沽港入淀河仍於分流之處各

建一閘水小則閉東閘啓南閘流入鳳河水大

則閉南閘啓東閘入運河次年河成宛平灤縣

武清東安一帶積潦盡消桐林牛鎮三閘房等

處開渠引水各營田數十頃唯開墾未建每年築壩蓄流以資灌溉

塌河淀 畿輔通志 一名大河淀卽北運河筐屍港藉以蓄洩者也舊隸武清縣今改隸天津縣一統志在城東北四十里周百里畿輔通志此淀上無來源下通潮汐以陳家溝賈家沽二河爲出納焉南北廣十六里東西長二十餘里東南有小河一道出西堤頭逕城兒上入七里海

七里海 畿輔通志卽北運河青龍灣藉以蓄洩者也一統志在寶坻縣東南一百三十里汪洋如

天津府志

卷之十七

河渠下

五

海爲縣巨浸 按七里海亦無源之水也地形窪下衆潦歸焉海之西北爲後海後海之西北爲鯽魚洶又北爲香油洶海東南爲曲里海雨多水滙則極目無涯旱乾之年諸洶皆涸唯七里海尚有寧車沽一道下通北塘潮汐往來水常不竭然亦盈盈淺瀨而已沽道旣狹舟楫販易之所不至瀕海居民採蒿子爲糧雍正四年冬 怡賢親王查歷至此惻然憫之五年委員開挖寧車沽河起自准魚洶達於北塘口長四十里拓濬深通估帆來往小民生計賴以紓焉

薊運河 畿輔通志一名潮河乃沙河枯河洶河
淋河黃頰諸水之會流也寶坻縣志云潮河在縣
東二十里自三河縣流入至縣東北三岔口與洶
河及薊州之沽河會流曰運糧河一名白龍港又
東南至縣東九十里名豐臺河亦名懷襄河共南
流過梁城所蘆臺抵北塘口入海又考薊運河源
出遷安縣三臺營會遵化諸山泉之水俗名沙河
逕遵化州城南西南流至張七各莊折向西流逕
水門口湯泉自西北來入之又西南入薊州東界
淋河合興龍口之水自北來會焉又西南至南河

天津府志

卷之十七

河渠下

美

莊薊州北山諸泉水來入之逕城南五里橋迤邐
西南流逕上倉折向南流至下倉折向西流至嘴
頭村洶河合周村黃頰等河自西北來會之至白
龍港入寶坻縣界淤泥河自西南來入之折向東
南流逕新安鎮至小河口小泉河合藍泉水自北
來入之逕曹家口頭折而南至于家口頭迤邐西
南流至大沽莊復折而東南至王家莊又折而西
逕長亭店復折而南徑八門城迤邐東南流至盛
家莊還鄉河北支自東北來會焉又東南至江潢
口還鄉河南支自東北來入之逕梁城所北分流

環城仍合於城南又東南逕盧臺軍糧城會天津
新河入海

府境河道堤工分轄

天津靜海青縣三邑南運河堤工隸津

青縣靜海二邑東子牙河新河淀河堤工隸三角淀

通判管轄

滄州南皮縣南運河堤工隸天津府駐滄州糧捕通

判管轄

按青縣靜海東子牙河新河淀河一帶堤工原

隸河間府河捕同知雍正十一年河院

天津府志

卷之十七

河渠下

三

題准隸三角淀通判管轄又滄州運河減河工程原

隸津軍同知南皮縣堤工原隸河間府泊頭通

判管轄乾隆三年

題准改隸天津府駐滄州糧捕通判管轄

南運河分汛

天津縣東西岸共長八十四里內分文武二汛額設

河兵四十一名

縣丞汛分管東岸北自渠黃口起南至碾砣嘴止

管長四十二里分管河兵二十七名

把總汛分管西岸北自香林苑起南至碾砣嘴止

計長四十二里分管河兵十四名

靜海縣東西兩岸共長二百零六里內分文武三汛額設河兵一百零三名

良王莊把總汛分管東岸北自碾砣嘴起南至出家堤止計長二十九里西岸北自碾砣嘴起南至喬家堤止計長二十九里分管河兵三十名

主簿汛分管東岸北自田家堤接界起南至陳官屯止計長四十一里西岸北自喬家堤接界起南至蘇家堤止計長四十一里分管河兵四十名

管河千總汛分管東岸北自陳官屯接界起南至

天津府志

卷之十七

河渠下

三

馬廠止計長四十六里西岸北自蘇家堤接界起南至胡家新莊止計長三十里分管河兵三十名青縣東西岸共長一百八十一里內分文武三汛額設河兵一百名

管河千總汛分管西岸北自趙家窪起南至佟家河溜止計長二十八里分管河兵十名

主簿汛分管東岸北自馬廠起南至窩子口止計長四十一里西岸北自佟家河溜起南至鮑家嘴止計長三十四里分管河兵四十五名

巡檢汛分管東岸北自窩子口接界起南至於官

屯止計長二十二里西岸白鮑家嘴接界起南至河窪止計長五十六里分管河兵四十五名

滄州東西岸共長九十五里半內分文武二汛額設河兵一百九名

州判汛分管東岸北自安堵淺起南至佟家墳止計長二十九里西岸北自河窪起南至蓮花池止計長十一里半分管河兵五十四名

把總汛分管東岸北自佟家墳接界起南至磚河大寺前止計長二十八里西岸北自蓮花池接界起南至好漢墳止計長二十七里分管河兵五十

天津府志

卷之十七

河渠下

三

五名

南皮縣

主簿汛分管西岸南自十二里堤接東光縣界起北至大廟接新設把總汛界止計長五十九里額設河兵三十一名

按以上皆分巡天津河道所轄合交河東光吳橋景州故城清河六州縣共計十一州縣運河長一千九十餘里現在官堤六百餘段歲修搶修工程額領水利銀一萬五千兩向設淺夫八百九十八名半康熙十五年裁汰四百四十一名

乾隆三年總河劉於義

題准淺夫改爲河兵六百名分佈沿河十一州縣防
汛南河每名歲給銀十四兩四錢器具銀八錢
河兵例堆土牛北河無之經天津道張坦熊額
令十一州縣共堆土牛以防水泛又設河兵堡
房一百四十餘間以蔽風雨又令河兵冬春之
交各栽柳樹今十一州縣柳圍三四或七八不
等又乾隆三年五月奉

旨將直隸河兵改爲戰一守九俾椿埽手得食戰糧欽
遵在案

天津府志

卷之十七

河渠下

四

子牙河大隄

青縣南自張宏橋起北至小河村靜海縣界止計長
二十四里主簿管轄

靜海縣南自小河村與青縣接界處起止北大瓦子
頭止計長三十二里主簿管轄

子牙河新河

青縣東岸南自廣福樓道口起北至李官屯與靜海
縣交界止計長十五里西岸南自廣福樓起北至
吳家莊窠與靜海縣交界止計長十四里主簿管

東岸南自張村與青縣交界起北至東賈口止計長三十八里西岸自中灘子頭與青縣交界起北至谷家莊止計長三十九里主簿管轄附隄堰

陸公堤 天津衛志在府城西門外藏經閣前萬曆三十二年教場口岸衝決浸及城磚二十四層清軍同知陸敏捷申請題留兩營班軍修護城堤一道繞城西南二面以絕水患至今名陸公堤

齊家堰 河間府志在南皮縣西北二十里卽衛河東岸河流至此湍悍迅激勢剝東岸明萬 四十

卷之十七

河渠下

望

一年雨水泛漲堤勢單簿知縣徐殷督工修築自下口至馮家口共計一千七百餘丈視舊堤加厚可憑永久

興濟鎮村北減水河一道壩座金門五空長八丈減河自壩口起至大波口止計長九十二里兩岸築有土堤係雍正四年開建自壩口起至界濠止係青縣管轄自界濠起至大波口止係滄州管轄捷地村南減水河一道壩座金門五空長八丈減河自壩口起至劉二家莊止計長一百一十里兩岸築有土堤係雍正四年開建

上府志卷之十七

卷之十七 河渠下

四